

光緒吉林通志

吉林通志卷十

沿革志上

吉林屬城及府廳州縣沿革全表

唐虞三代兩漢	晉	北魏	隋	唐	遼	金	元	明
<p>唐虞三代兩漢</p> <p>虞為恩嶺前漢西南東北為揭松花江以南為白山初曾設勃為涑州北南為上京為開元路初年為訥</p> <p>夏李周為為元苑郡其東南為東為勿吉粟末北為利州黑水為東京之海蘭路東西為咸平兒干都司</p> <p>肅慎亦曰地後漢東北沃沮西松花江以伯咄安東府西及西密江州南為寧賓路混同江領衛所一</p> <p>挾慎北為揭堪南為高句西為高句各東為捕北為高麗為寧賓府路東北為南岸為合百餘其後</p> <p>東南為北疆北境西疆三姓東遼號塞東後為渤海西北為東呼爾哈路關府碩連</p> <p>沃沮西南北為扶餘北為曷莫北為黑水涑州東為京之通州北為曷州勃達等路</p> <p>為高句驘北境西北為扶餘</p>	<p>晉</p> <p>北魏</p> <p>隋</p> <p>唐</p> <p>遼</p> <p>金</p> <p>元</p> <p>明</p>	<p>北魏</p> <p>隋</p> <p>唐</p> <p>遼</p> <p>金</p> <p>元</p> <p>明</p>	<p>隋</p> <p>唐</p> <p>遼</p> <p>金</p> <p>元</p> <p>明</p>	<p>唐</p> <p>遼</p> <p>金</p> <p>元</p> <p>明</p>	<p>遼</p> <p>金</p> <p>元</p> <p>明</p>	<p>金</p> <p>元</p> <p>明</p>	<p>元</p> <p>明</p>	<p>明</p>

府林吉

虞爲恩愼	爲元	蔭郡	爲扶	餘	東	爲勿	害及	爲自	山	惡
虞至周爲	上	殷	台	西	南	境	高	句	高	句
肅愼亦	肅	屬	兩	肅	東	境	東北	境	東北	境
曰復愼	縣	地	北	境	境	境	境	境	境	境

爲扶餘府	爲靉白山	極東北爲部西商爲 黑水蘇羯	定安國東	南爲博羅	高麗物部	東北爲女	辰島志健	曷狹糾經	部極東北	爲五國	伯理部	初爲白山	爲涑州西	粟末靺鞨	爲平賀府	後爲渤海	南爲長白	涑州獨奏	山部西南	州東爲平	爲輝	賓府之建	費部	州西及西	南爲中京
------	------	------------------	------	------	------	------	------	------	------	-----	-----	------	------	------	------	------	------	------	------	------	----	------	----	------	------

爲上京會南及西盛初爲額音	甯府之謂咸平路之楚澤完河	境海蘭路東境北爲馬拉伊罕	之西北土開元路屬河塘延山	東京城平境	路之東境
舊哥羅河	伊穆山阿	漢納穆河	佛爾們河		

東北爲滿  
集呼爾哈  
等部西及  
北初爲三  
萬衛後入  
蒙古科爾  
沁部

伊通州

虞爲虞慎爲元菟郡  
 夏至周爲西蓋縣  
 肅慎亦西境矣高  
 句麗縣地

北境  
北境

德府顯紙園	海中京顯定安	麗後爲勃及輝發部	初爲高句爲平壤府
縣地	玉山二	平路歸仁境	爲東京威爲威平府

初爲塔山  
雅哈河伊  
敦河拉克  
山發河等

顯德府憲  
榮湯三州

州與三

高句	爲平壤府	爲東京
爲勃	及耀發部	平路歸
京顯	定安	玉山二
縣地		

威爲威平府

初爲塔山  
雅哈河伊  
敦河拉克  
山發河等

聖中齊等  
衛及竊集  
臣勒所後  
爲其立部

河漢海河  
伊勒河  
鄂山庫  
約公河

伊拉密河  
推屯河  
山依什羅  
薩什羅

100

敦化縣 長春府 農安縣

虞為夏祖為元堯都  
夏王周為上殷古縣  
日穆慎亦地

虞為夏祖為夫餘  
夏王周為  
日穆慎亦

虞為夏祖為夫餘  
夏王周為  
日穆慎亦

為挹婁

為夫餘

為夫餘

為勿吉

為高句麗

為高句麗

為白山靺鞨

為高麗之扶餘城境

為高麗之扶餘城境

初為白山靺鞨後為渤海率賓府之延州

初為高麗為東京道之扶餘城境

初為高麗為東京道之扶餘城境

初為高麗為東京道之扶餘城境

為長白山為海蘭路為開元路

為隆州境為開元路

為隆州境為開元路

為隆州境為開元路

之西北會黨境  
衛府之南境

屬境

屬境

屬境

初為遼州  
什赫河等  
衛後為

初為三萬  
衛後為

初為三萬  
衛後為

初為三萬  
衛後為

州勝益州黃龍府  
州威州

伯都訥廳賓州廳五常廳

<p>廣為忠順 夏至周為 祖順亦 曰程順</p>	<p>廣為忠順 夏至周為 祖順亦 曰程順</p>	<p>廣為忠順 夏至周為 祖順亦 曰程順</p>	<p>廣為忠順 夏至周為 祖順亦 曰程順</p>
為天餘	為天餘	為天餘	為天餘
為天餘	為天餘	為天餘	為天餘
為勿吉	為勿吉	為勿吉	為勿吉
為伯咄咄	為安車骨	為安車骨	為安車骨
初為伯咄咄為東京之為上京 蘇軾後為南江州及州 渤海扶餘遼東等 府屬境	初為安車骨為女真部為上京會為合蘭府為穆昆府 蘇軾後為渤海 為渤海 京屬境	初為安車骨為女真部為上京會為合蘭府為穆昆府 蘇軾後為渤海 為渤海 京屬境	初為安車骨為女真部為上京會為合蘭府為穆昆府 蘇軾後為渤海 為渤海 京屬境
境	境	境	境
初為三河 衛後為三 岔河衛後 屬烏拉部	初為三河 衛後為三 岔河衛後 屬烏拉部	初為三河 衛後為三 岔河衛後 屬烏拉部	初為三河 衛後為三 岔河衛後 屬烏拉部

吉林通志卷十

雙城廳古塔

廣為良慎為天餘

為天餘

為勿吉

為伯咄咄

初為

初為伯咄咄為東京國為上京國為開元路

為拉林河

為拉林河

廣為良慎為天餘

初為伯咄咄為東京國為上京國為開元路

為拉林河

廣為良慎為天餘

為天餘

為勿吉

為伯咄咄

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河

廣為良慎為天餘

初為忽汗初為東丹初為東京初為南京初為納兒

為拉林河





吳爲忠  
王至周  
蕭慎  
呂稷慎

馬提

爲拙

爲勿青東  
北爲豆黃  
其

爲賊寇難初設勸利爲厲  
 輒東北爲州及黑水驛五  
 驛水窟糧府後爲勸利等  
 賈屯特廣海東平府部  
 軍退廢鐵之黑北二  
 利驛棘州

國營鐵路

呼  
爾  
哈

爲合蘭府

塔模樓等  
路呼爾哈  
部之那堪  
泰路

府路之屯

河外  
賈祿  
程勣  
山

林山  
河

雅哩河克

無事子集

西天寺里

阿毘達磨

示是

和成厚板

河蜜

勒令查辦



春 琿

廣爲恩順  
夏至周爲  
肅慎亦  
曰樓煩

爲北沃沮  
爲北沃沮  
爲勿吉


爲拂瑠靺  
朝之南境  
白山部之  
東境

初爲押提  
棘靺之南  
境白山部  
之東境後  
爲渤海南  
京南海府  
沃時椒三  
川東京龍  
原府慶遠  
穆賀四州

爲靺鞨  
達勒部  
爲率賓路  
爲開元路  
爲境

十屯諸  
錫利折  
達理塔庫  
初爲率賓  
江穆齊河  
庚吉音河  
爲爾理山  
爾哲密河  
通南山阿  
布達理河  
布爾哈圖  
河西林胡  
葉吉則吉  
葉丹哈聯  
等衛及喀  
爾喀所後  
爲窩集和  
之勿達路  
芬雅爾銀

瑞新路耳  
 爾審部之  
 聖優城呼  
 爾名部之  
 扎庫搭城  
 庫爾喀部



吉林統部

一以時代為序其屬城及府廳州縣為古某朝某地亦即於每朝下分注之不更標

目以省  
復重

虞為息慎夏至周為肅慎亦曰稷慎

史記五帝本紀至于荒服北山戎發息慎咸戴帝舜

之功

集解鄭元曰息慎或謂之肅慎東北夷索隱此文省略山戎下少一北字鄒氏劉氏曰息並音肅非也且夷狄之名古書不必皆同今讀如字

山海經海外西經肅慎之國在白民北

又大荒北經大荒之中有山名曰不咸有肅慎氏之

國

郭璞注今肅慎國去遼東三千餘里今名之為挹婁國

書序

成王既伐東夷肅慎來賀

孔氏傳肅慎馬本作息慎云北夷也

逸周書王會解正北方稷慎大廬

孔晁注稷慎也

左傳昭九年肅慎燕亳吾北土也

杜注肅慎北夷在元菟北三千餘里

正義韋昭曰肅慎東北夷之國去扶餘千里晉之元菟即在遼東東北杜言元菟北三千里是北夷之近東者故杜言北夷韋言東北夷

謹案息慎稷慎肅慎郝氏懿行謂爲聲轉字通實

一國也其名則自唐虞時已見中國下訖西漢都

無異稱縣歷二千餘年傳世可謂最久後漢書挹

婁傳乃有古肅慎之稱郭璞注山海經直云今呼

之爲挹婁國似其易號特在漢晉之間然其後晉

元中興猶詣江左貢其石罽成帝時又嘗通使石

季龍宋孝武大明三年復獻其楛矢豈挹婁新國  
猶沿肅慎舊稱耶抑遺黎保聚自立一方如遼已  
滅渤海而後唐時猶屢有渤海入貢之類歟書缺  
有間未易定也其疆域則郭璞云去遼東三千餘  
里漢晉千里大抵得今里六百有餘晉遼東爲今  
遼陽州地以道里考之正當在今甯古塔杜預云  
在元菟北三千里元菟去遼東千里其北三千里  
則當在今三姓地韋昭云去扶餘千里與今由長  
春至甯古塔境道里亦復相符夫遼東元菟秦漢  
始有此稱而周景王曰肅慎燕亳吾之北土則



遼東以北直至混同江南北之地在周以前固皆  
爲肅慎國境疆域至爲廣博滿洲源流考謂其國  
南包長白北抵弱水東極大海廣袤數千里不信  
然哉

西漢爲元菟郡地東漢及魏爲夫餘挹婁沃沮及高句  
驪北境

元菟郡 今吉林省及  
伊通州地

漢書地理志下元菟郡武帝元封四年開屬幽州縣

三高句驪

原注遼山遼水所出西南至遼隊入  
大遼水又有南蘇水西北經塞外上殷

台西蓋馬

原注馬訾水西北入鹽難水西南至  
西安平入海過郡二行二千一百里

陳澧東塾集二長白山我

大清發祥之地在漢元菟郡境非塞外地也按漢志馬  
訾水今鴨綠江鹽難水今佟家江鴨綠江源出長白  
山是長白山乃漢西蓋馬縣境之山也漢志於近塞  
之水源出塞外者必著之如遼東郡望平大遼水出塞外番汗沛水出塞外是也  
馬訾水不云出塞外則水源在塞內卽長白山在  
塞內明矣長白山縣互數百里鴨綠江出其南麓其  
山北蓋漢上殷台縣地也元菟郡三縣惟上殷台無  
山水可考然排比鈎稽而知其當在西蓋馬之北高  
句驪之東其地爲長白山之北也何以明之按志所

云遼山今

興京英額門外長嶺也遼水今渾河也渾河與佟家江  
相去僅百餘里則漢高句驪西蓋馬二縣接界其間  
不得復容上殷台一縣也志所云南蘇水今赫爾蘇  
河也志言此水經塞外則漢高句驪縣之北卽塞外  
上殷台不得在高句驪北境也志又云遼東郡望平  
大遼水出塞外南至安市入海遼陽大梁水西南至  
遼陽當作遼隊入遼按大遼水今潢河也在渾河西百餘  
里大梁水今太子河也在渾河南百餘里是漢高句  
驪縣西與望平縣接界南與遼陽縣接界皆遼東郡

境非元菟郡境上殷台又不得在高句驪之西境南境也太子河之源在佟家江西百餘里又志云遼東郡番汗沛水出塞外西南入海按沛水今朝鮮國大定江也在鴨綠江南百餘里是漢西蓋馬縣西與遼陽縣接界南與番汗縣接界亦皆遼東郡境非元菟郡境上殷台又不得在西蓋馬之西境南境也然則上殷台既不在高句驪西蓋馬二縣之間又不在高句驪之北之西之南又不在西蓋馬之西之南必在高句驪之東西蓋馬之東之北其地爲長白山之北無疑也

漢上殷台縣或爲今吉林或爲今甯古塔但漢志不載水道故無以定之

南爲漢西蓋馬縣北爲漢上殷台縣是

大清發祥之地乃漢西蓋馬上殷台二縣地也

謹按漢遼東郡全有今奉天一省之地固無地可  
復容元菟一郡而郡所屬之西蓋馬縣爲馬訾水  
所出馬訾水爲今鴨綠江已無疑義則西蓋馬縣  
之決不在今海城蓋州境內亦更無疑義自明一  
統志始以元菟強隸遼東後之修志者復誤蓋馬  
爲蓋牟之音轉謂卽唐太宗所取之高麗蓋牟城  
於是西蓋馬高句麗兩縣皆入遼東而於遼水南  
蘇馬訾鹽難諸大水所出顯然明白之文皆不復

顧並馬訾水過郡二行二千一百里之文亦無處  
可通而上殷台一縣遂疑闕不可知雖精於地理  
如李氏兆洛者亦疑不能明也今以陳氏之說考  
之則西蓋馬上殷台兩縣爲今吉林府境並府境  
以外南際長白山之地高句驪縣爲今伊通州磨  
盤山境並兼有奉天海龍廳之地山川疆域固一  
一可稽也又按後漢書東夷傳沃沮在蓋馬大山  
之東蓋馬大山一統志源流考諸書皆未能實指  
所在考沃沮爲今琿春其地在長白山以東長白  
山今考爲西蓋馬縣境之山則蓋馬大山之卽長

白山夫固信而有徵矣此山一定則山西爲西蓋  
馬縣山東爲嶺東七縣皆按冊可稽樂浪爲七縣  
統部居元菟之東以漢書次第知之而不在吉林之域以  
地望診之應爲今朝鮮咸鏡道地核以漢書魏志  
其行軍道里皆不甚相懸也

夫餘

長春府伯都訥廳雙城廳地

後漢書東夷傳夫餘國在元菟北千里南與高句驪  
東與挹婁西與鮮卑接北有弱水地方二千里本濊  
地也

三國志東夷傳夫餘在長城之北本屬元菟漢末公

孫度雄張海東夫餘王尉仇台更屬遼東時句驪鮮卑疆夫餘介二虜之間

通典邊防一扶餘國後漢通焉初北夷索離國王有子曰東明長而善射王忌其猛而欲殺之東明奔走

南渡掩源水因至夫餘而王之

原注按後漢魏二史皆云扶餘國在高句

驪北又案後魏及隋史高句驪在扶餘國南而隋史云百濟出於扶餘扶餘出於高句驪國王子東明之後也又謂索離國即高麗國乃扶餘國當在高麗之南矣詳考諸家所出疑索離在扶餘之北別置一國

謹案夫餘四至以漢時地理考之元菟郡有蓋馬

大山山即長白則元菟爲長白山以北地高句驪

元菟屬縣縣有南蘇水爲今赫爾蘇河出奉天海



龍廳經伊通州北出塞是高句驪北境爲今伊通  
州地也夫餘在元菟北千里南與高句驪接則今  
伊通州以北爲夫餘國地無疑矣又考魏志注鮮  
卑東接遼水通典云鮮卑漢初竄遼東塞外遼水  
卽今東遼河爲赫爾蘇河出塞之名而昌圖府境  
實古遼東塞外之地夫餘西接鮮卑則固在昌圖  
以東史云方二千里約略計之每方當得四五百  
里昌圖斗入伊通長春之間不及百里不足以盡  
夫餘之境則自南而北長春及伯都訥兩府廳爲  
夫餘故地無疑矣挹婁今之甯古塔也史言在夫

餘東北千餘里中間更無他國夫餘國境自西至東亦以數百里計之則自五常賓州以東爲挹婁地伯都訥雙城兩廳以西爲夫餘國地無疑矣舊說以奉天開原縣爲夫餘故國按之四至無一合者固不足置辨漢書注以掩淥水爲沮水若然則夫餘乃在高麗之南亦顯與史文不合竊疑索離旣曰北夷無論爲索離橐離橐離橐離皆史之異文要自夫餘以北別有一國通典之言爲得其實焉又高句驪王墓碑碑在奉天海龍廳有東夫餘北夫餘之稱東夫餘卽此夫餘北夫餘則應在北郭爾羅斯及

黑龍江地可見當時壤地甚大夫餘特總名而傳  
不載所由起史云高句驪出於夫餘高句驪之世  
數見其秘記者云不及九百年則自唐高宗時溯  
之高句驪蓋興於漢初夫餘其所出宜在秦漢間  
矣

挹婁

今南古塔東北一帶皆是

後漢書東夷傳挹婁古肅慎之國也在夫餘東北千  
餘里東濱大海南與北沃沮接不知其北所極

謹按史言挹婁古肅慎國肅慎在不咸山北不咸  
山卽今長白山則挹婁國境自在甯古塔地無疑

自遼人設挹婁縣於瀋州北纂遼史者復不諳方

位遽以瀋州

今奉天府

爲挹婁故地於是不得不以海

耀等州

今奉天海城熊岳境

爲沃沮所謂差之毫釐謬以千

里也東漢會要云漢興以後臣屬夫餘似其興也亦在秦時若王氏補注王會編以符婁爲卽挹婁亦未確也

沃沮

今琿春一帶

後漢書東夷傳東沃沮在高句驪蓋馬大山之東

注

馬縣名屬元菟郡

東濱大海北與挹婁夫餘南與濊貊接其

地東西夾南北長可折方千里武帝滅朝鮮以沃沮

地爲元菟郡後爲夷貊所侵徙郡於高句驪西北更以沃沮爲縣屬樂浪東部都尉至光武罷都尉官後皆以封其渠帥爲沃沮侯又有北沃沮方輿紀要東沃沮亦曰南沃沮一名置溝婁去南沃沮八百餘里其俗皆與南同界南接挹婁挹婁人喜乘船寇鈔北沃沮畏之

三國志三十東沃沮在高句驪蓋馬大山之東濱大海而居其地形東北狹西南長可千里漢初燕亡人

衛滿王朝鮮時沃沮皆屬焉漢以土地廣遠在單單

大領之東分治東部都尉治不耐城

方輿紀要不耐城在朝鮮咸興

府別主領東七縣時沃沮亦皆爲縣光武六年省邊

郡都尉以縣中渠帥爲縣侯沃沮諸縣皆爲侯國北  
沃沮一名置溝婁去南沃沮八百餘里其俗南北皆  
同與挹婁接

謹按南北沃沮皆在單單大嶺

原作嶺  
古字通

以東單單

大嶺今之長白山也滿洲源流考朔方備乘謂沃  
沮勿吉渥集烏稽爲音轉字通實皆一地則卽吉  
黑兩省全境言之也曹廷杰三省圖說謂南沃沮  
在長白山南北沃沮在長白山北則卽漢書魏志  
所云四至言之也核以今地則諸說皆通專考二  
史則曹說近實然則南沃沮固應在今高麗咸鏡

道北沃沮則爲今琿春全境矣惟是魏毋邱儉攻  
句驪王宮宮奔北沃沮儉追之過沃沮千里到肅  
慎氏南界後漢書挹婁傳亦云南與北沃沮接則  
挹婁之北不得更有沃沮肅慎挹婁異名同地而  
北沃沮傳乃云南接挹婁則又似出肅慎之北者  
按以當時四至理不可通考魏志無南字通典太  
平御覽太平寰宇記文獻通考引此文皆無南字  
則知宋以前所見范書尙不誤而今本爲誤衍南  
字無疑也范書本文不敢徑改今附其說如此以  
俟考地理者證焉

儉傳云宮奔買溝沃沮傳云宮  
奔北沃沮然則買溝卽置溝婁

也字不  
同耳

高句驪

今伊通  
州境

後漢書東夷傳高句驪本出於夫餘其國在遼東之  
東千里南與朝鮮濊貊東與沃沮北與夫餘接地方  
二千里多大山深谷武帝滅朝鮮以高句驪爲縣使  
屬元菟其人習戰鬪沃沮東濊皆屬焉

三國志東夷傳王莽時更名高句驪爲下句驪當此  
時爲侯國漢光武帝八年始見稱王殤安之間屬元  
菟靈帝建甯二年屬遼東嘉平中乞屬元菟

謹按漢之塞外與今柳條邊不甚相懸高句驪居



塞外而南接朝鮮北接夫餘朝鮮在今鴨綠江南  
夫餘爲今長春及昌圖境則奉天之通化海龍與  
吉林之伊通皆高句驪舊地無疑

晉爲夫餘挹婁及高句驪北境

夫餘

今伯都訥  
長春府境

晉書四夷傳夫餘在元菟北千里南接鮮卑

按後漢書作西

接鮮卑當  
係此誤

國中有古濊城本濊貊之地也太康六年

爲慕容廆所襲破其王依慮自殺子弟走保沃沮  
明年夫餘後王依羅還復舊國

山海經海內西經貊國在漢水東北地近於燕郭璞

〔注〕今扶餘國卽濊貊故地在長城北去元菟千里

謹按扶餘疆域在晉時與後漢同漢桓時鮮卑檀石槐東徇夫餘晉書載記云慕容廆東伐夫餘皆與後漢書西接鮮卑之文相合故知此文南字爲誤無疑夫餘所居濊貊故地貊之建國乃在周時詩云其追其貊是也貊地近燕者燕之東境極於遼東遼東塞外卽夫餘西境其追其貊所以繼燕師所完而詠也至其傳世莫得而考魏書高句驪傳言北至舊扶餘似其稱名至魏而止意者經慕容氏破滅之後雖旋卽復國終於不振故魏書以

後遂不復見歟三國志東夷傳說扶餘與郭注同  
是郭氏所本也

挹婁

今甯古塔  
東北一帶

晉書東夷傳肅慎氏一名挹婁在不咸山北去夫餘  
可六十日行東濱大海西接寇漫汗國北極弱水其  
土界廣袤數千里居深山窮谷其路險阻車馬不通  
謹按晉書不爲沃沮高句驪立傳故其疆域靡得  
而詳慕容暉載記略言慕容恪攻克高句驪南蘇  
事是其北境之可見者也惟挹婁一國所記與漢  
魏略同然云去夫餘可六十日行則非甯古塔三

姓所能盡蓋已舉三姓所屬海以外地而兼有之  
挹婁疆域之盛始見於此唐書以後乃更加詳耳  
北魏以後爲勿吉豆莫婁

勿吉

魏書勿吉傳勿吉國在高句驪北舊肅慎國也去洛

五千里自和龍北二百餘里有善玉山山北行十三

日至祁黎山又北行七日至如洛瓊水水廣里餘又

北行十五日至太魯水

按和龍今承德府朝陽縣太魯水當爲今洮兒河又作拖

羅皆音之轉唐書之宅渴遼金之他魯達魯聖宗所  
改撻魯河爲長春河皆是水也自西北來經扎賴特  
南界匯爲納爾薩蘭池亦名日月池會嫩江入又東  
於松花江江卽粟末水洛瓊當卽老哈之轉音

北行十八日到其國國有大水濶三里餘名速末水  
國南有徒太山魏言太白其傍有大莫盧國覆鍾國  
莫多回國庫婁國素和國具弗伏國匹黎尔國拔大  
何國郁羽陵國庫伏眞國魯婁國羽眞侯國

北史勿吉傳勿吉國在高句驪北一曰靺鞨去洛陽  
五千里其部類凡有七種其一號粟末部其二伯咄  
部其三安車骨部其四拂涅部其五號室部其六黑  
水部其七白山部

粟末部

今吉林府

伯咄部

今伯都訥

安車骨部今阿勒楚喀五常廳境

拂涅部今甯古塔

號室部今甯古塔以東三姓以南地

黑水部今三姓東北及富克錦左右地

白山部今敦化縣及琿春西境

隋書靺鞨傳靺鞨在高麗之北凡有七種其一號粟

末部與高麗相接其二曰伯咄部在粟末之北其三

曰安車骨部在伯咄東北其四曰拂涅部在伯咄東

其五曰號室部在拂涅東其六曰黑水部在安車骨

西北其七曰白山部在粟末東南

按北史所述者魏事而所采者隋書

故以隋書附此  
唐書亦類及焉

新唐書北狄傳黑水靺鞨居肅慎地亦曰挹婁元魏  
時曰勿吉東瀕海西屬突厥南高麗北室韋離爲數  
十部酋各自治其著者曰粟末部居最南抵太白山  
亦曰徒太山與高麗接倭粟末水以居水源於山西  
北注它漏河稍東北曰伯咄部又次曰安居骨部益  
東曰拂涅部居骨之西北曰黑水部粟末之東曰白  
山部部間遠者三四百里近二百里白山本臣高麗  
王師取平壤其衆多入唐伯咄安車骨皆奔散寢微  
無聞焉遺人迸入渤海唯黑水完疆分十六落以南

北稱蓋其居最北方者也

謹按勿吉疆界以南有徙太山一語斷之自當以  
白山爲限以自太魯水東北行十八日到其國斷  
之則自今洮兒河合嫩河入松花江之處渡江東  
北行約千餘里應在三姓富克錦之間以國有大

水名速末斷之則松花江以東際海之地

唐書靺鞨傳東

至於

混同江以南抵長白山

會典以松花江會嫩江以下爲混同皆

其國境也七部之分以北史考之應在魏獻文帝  
延興以前證以今地松花江舊名粟末水則吉林  
烏拉一帶爲粟末舊部無疑粟末之北曰伯咄今



之伯都訥與金史之部渚濛皆伯咄之音轉唐書  
作汨咄轉寫之誤也則伯咄卽伯都訥矣安車骨  
卽按出虎也地在伯咄之東北應爲今賓州五常  
兩廳境今甯古塔城西南八十里古城俗呼東京  
城亦曰佛訥和城卽明佛訥和衛地與拂涅音近  
又在伯咄東知爲甯古塔地信而有徵其北無別  
部則固兼有三姓矣號室部在拂涅東則甯古塔  
以東三姓富克錦以南皆應屬之白山部在粟末  
東南則

國初長白山二部及今之敦化縣琿春城皆其地也

黑水部應爲今黑龍江然安車骨西北僅就其西境言之其實黑水分部以南北爲柵則三姓以東混同江南北之地皆其部之所在卽皆吉林地也七部所分吉林十得八九年代雖遙山川猶昔按其方位可考而知也

豆莫樓

今二姓東北一帶

魏書豆莫婁傳豆莫婁國在勿吉國北千里去洛六千里舊北扶餘也在室韋之東東至於海方二千里新唐書北狄傳達末婁自言北扶餘之裔高麗滅其國遣人度那河因居之或云他漏河東北流入黑水

謹按室韋爲今黑龍江地據會典圖黑龍江境東  
不至海則江省以東際海之地爲昔時三姓副都  
統所轄者固皆爲豆莫婁國境矣魏書勿吉傳作  
大莫盧唐書作達末婁音轉字通實一國也第是  
時那河已爲室韋之地不得又爲豆莫婁所居新  
書殆就那河入江之後言之而仍被以本名歟何  
秋濤謂魏收書於邊外山川形勢較各史最爲明  
晰則魏書所記固可據依矣

隋至唐開元以前爲靺鞨及高麗北境

靺鞨

隋書靺鞨傳靺鞨在高麗之北邑落各有酋長不相  
總一凡有七種已見北史卽古之肅慎氏也所居多依山  
水東夷中爲強國有徒太山者俗甚敬畏其國西北  
與契丹相接與隋懸隔唯粟末白山爲近

舊唐書北狄傳靺鞨蓋肅慎之地後魏謂之勿吉在  
京師東北六千餘里東至於海西接突厥南界高麗  
北鄰室韋其國凡爲數十部各有酋帥或附於高麗  
或臣於突厥而黑水靺鞨最處北方尤稱勁健每恃  
其勇恒爲鄰國之患

括地志靺鞨國古肅慎也在京東北萬里已下東及

北各抵大海其國南有白山

史記夏本紀正義引

又靺鞨國古肅慎也亦曰挹婁在京東北八千四百里南去夫餘千五百里東及北各抵大海

史記司馬相如列傳

正義引

謹按靺鞨七部之疆域隋書所載與北史同金史云靺鞨本號勿吉古肅慎地也元魏時有七部隋稱靺鞨而七部並同唐初有黑水靺鞨粟末靺鞨其五部無聞今以唐書考之諸部奔散微弱咸在初唐之世蓋靺鞨全境西南入於粟末而東北併於黑水是靺鞨乃七部之總名黑水特七部之一

部其後先疆域本自不同舊書以靺鞨名篇敘次最爲井井新書誤以黑水之名冠於靺鞨之上遂使先後分合之迹了不可尋而傳後敘述黑水四至致疑重複微舊書在幾不能明源流考不知其兩事而曲爲之說則新書之誤有以啟之也

說詳後黑

水靺鞨條下

### 高麗

舊唐書東夷傳高麗者出自扶餘之別種也東渡海至於新羅西北渡遼水至於營州南渡海至於百濟北至靺鞨東西三千一百里南北二千里其王高建

武貞觀五年築長城東北自扶餘城西南至海千有餘里

括地志朝鮮高麗獬東沃沮五國之地國東西千三百里南北二千里在京師東東至大海四百里西至營州界九百二十里南至新羅國六百里北至靺鞨國千四百里

史記百十五正義引

資治通鑑二百一乾封二年高侃進至金山與高麗戰薛仁貴拔南蘇木底蒼巖三城

又總章元年薛仁貴既破高麗於金山遂拔扶餘城

原注扶餘國之故墟故城存其名

扶餘川中四十餘城皆望風請服

新唐書東夷傳乾封三年二月勣率仁貴拔扶餘城  
它城三十皆納款仁貴戰金山不勝高麗鼓而進仁  
貴橫擊大破之拔南蘇木底蒼巖三城引兵略地與  
勣會

謹按高麗疆域後漢時北接扶餘漢晉兩書皆有  
扶餘傳自後無聞則其見并當在晉之季世故魏  
書記高麗四至云北至舊扶餘以別之也隋唐時  
其地北至靺鞨是已越扶餘而北直拓至今郭爾  
羅斯通典云至隋漸大不信然歟唐時從其西鄙  
進兵先攻扶餘南蘇夫餘今農安縣南蘇今伊通



州南蘇當因南蘇水得名說者以爲在今奉天金州境蓋以金州在遼時曾設蘇州因是致誤

是當日用兵之道固厯厯可指也唯取兩城次第通鑑新書所記先後互異仁貴取道本係自北而南竊疑新書爲得其實今姑兩存其說以資博考據通鑑事在總章元年而新書云乾封三年者蓋是年三月始改元也

唐開元後爲渤海之上京中京南京扶餘府東平府率賓府及黑水靺鞨地

舊唐書北狄傳渤海靺鞨大祚榮者本高麗別種也高麗旣滅祚榮率家屬徙居營州萬歲通天年契丹

李盡忠反叛祚榮與靺鞨乞四比羽各領亡命東奔保阻以自固盡忠旣死則天命右玉鈐衛大將軍李楷固率兵討其餘黨先破斬乞四比羽又度天門嶺以迫祚榮祚榮合高麗靺鞨之眾以拒楷固王師大敗楷固脫身而還屬契丹及奚盡降突厥道路阻絕則天不能討榮遂率其眾東保桂婁之故地據東牟山築城以居之靺鞨之眾及高麗餘燼稍稍歸之聖厯中自立爲振國王其地在營州之東二千里南與新羅相接越熹靺鞨東北至黑水靺鞨地方二千里新唐書北狄傳渤海本粟末靺鞨附高麗者姓大氏

高麗滅率眾保挹婁之東牟山地直營州東二千里  
南北新羅以泥河爲境東窮海西契丹築城郭以居  
高麗遁殘稍歸之萬歲通天中契丹盡忠殺營州都  
督趙翽反有舍利乞乞仲象者與靺鞨酋乞四比羽  
五代會要三十作大舍利乞乞仲象與靺鞨反及高  
人乞四比羽原注大姓舍利官乞乞仲象名也  
高麗餘種東走渡遼水保太白山之東北阻奧婁河樹  
壁自固武后封乞四比羽爲許國公乞乞仲象爲震  
國公赦其罪比羽不受命后詔玉鈐衛大將軍李楷  
固中郎將索仇擊斬之是時仲象已死其子祚榮引  
殘夷遁去楷固窮躡度天門嶺祚榮因高麗靺鞨兵

拒楷固楷固敗遁於是契丹附突厥王師道絕不克  
討祚榮卽并比羽之眾恃荒遠乃建國自號震國王  
地方五千里盡得扶餘沃沮并韓朝鮮海北諸國先  
天中遣使拜爲渤海郡王以所統爲呼汗州領忽汗  
州都督自是始云靺鞨號專稱渤海子武藝立斥大  
土字東北諸夷畏臣之子欽茂立天寶中徙上京直  
舊國三百里忽汗河之東寶應元年詔以渤海爲國  
貞元時東南徙東京華璵爲王復還上京仁秀立頗  
能討伐海北諸部開大境宇有功爲海東盛國地有  
五京十五府六十二州

賈耽道里記營州東百八十里至燕郡城又經汝羅  
守捉渡遼水至安東都護府五百里府故漢襄平城  
也自都護府東北經古蓋牟新城又經渤海長嶺府  
千五百里至渤海王城城臨忽汗海其西南三十里  
古肅慎城其北經德里鎮至南黑水靺鞨千里新唐書四  
十三引源流考按此爲  
營州陸行至渤海之路

又登州海口北行至鴨綠江口舟行百餘里乃小舫  
泝流東北三十里至泊汊口得渤海之境又泝流五  
百里至九都縣城故高麗王都又東北泝流二百里  
至神州又陸行四百里至顯州天寶中王所都又正

北如東六百里至渤海王城

新唐書四十三引源流考按此爲登州海行

至渤海之路

滿洲源流考十 渤海大祚榮所都在長白山東北大  
欽茂又東徙三百里直徂三河之東今甯古塔呼爾  
哈河也呼爾哈河匯於甯古塔城西南一百里之畢  
爾騰湖湖廣五六里袤七十里許中有三山卽所謂  
忽汗海也德林石在其北卽德理鎮所在也又自發  
庫東繞甯古塔城旁古大城之南東北流與混同江  
合然則渤海上京及忽汗城實在甯古塔城旁矣  
一統志按渤海所置五京十五府六十二州多在今

吉林烏拉甯古塔及朝鮮界其安東府所治遼東故地雖入渤海建置無聞地理志賈耽所紀可考遼時東京州縣多襲其名號非復故地遼史謂皆渤海之舊其實未盡然也

謹按渤海王城卽上京龍泉府實維挹婁故壤今爲甯古塔地舊唐書所謂在營州之東二千里者是也大祚榮所居忽汗州卽長白山東北之奧婁河境後呼爲舊國今爲敦化縣地新唐書所謂徙上京值舊國三百里者是也舊書言大氏始徙營州其地在今奉天錦州府北境以外

說見後

後乃東

奔保阻以自固史不言其所在以下文考之則固

在天門嶺以西繼又越天門嶺東保挹婁

桂婁卽挹婁

遂據東牟山挹婁爲甯古塔之地東牟卽甯古塔

之山

明一統志謂東牟山在滿陽衛東二十里誤說見後

里至方隅顯然明

白自新書敘次凌蹤疑誤遂滋今爲一一辨之新

書言大氏於高麗滅後卽保挹婁繼言東渡遼水

保太白山之奧婁河則是以遼水爲在挹婁之東

矣繼言遁去度天門嶺則是謂天門嶺又在白山

之東矣且旣云遁去則是已去白山又云恃荒遠

乃建國則其建國竟在何方繼又云以所統爲呼



汗州則又以忽汗河與奧婁河爲兩地矣惛恍迷離按之古今里至無一而合以當時事實求之渤

海本徙營州東渡遼水度天門嶺始保太白山阻

奧婁河

舊書東奔保阻之文不言其地最有斟酌新書昧於地理遼指太白山以實之遂使

上下方位皆不可通且遼水距太白山甚遠非一蹴可至故知窮躡度天門嶺爲在東渡遼水之後保太白山後乃徙上京舊書無以所領爲忽汗州以前無疑

之文而以挹婁爲王城其於地理初無舛誤新書

補舊書之闕而東西易位後先倒置遂使考地理

者極費檢尋

新書之誤在敘保據挹婁於東渡遼水之前若謂先定疆域而後敘事則

萬歲通天之上亦應有追敘之筆推尋文義又實不爾直緣誤認安東都護府爲挹婁故地而不知

下文之不  
相蒙也

遼史不考兩書之異同復不知新書之

踏誤直以挹婁故地屬諸東京而明一統志因之

其誤實皆新書啟之也考遼東京遼陽府唐爲安

東都護府今爲奉天遼陽州地在遼水之東而下

文乃云東渡遼水按之圖記實不可通明統志又

云東牟山在瀋陽衛東二十里

瀋陽衛卽  
今奉天府

則與遼

陽州相去一百數十里於挹婁東牟相接成文之

義亦理不相合沿訛襲謬無所取裁猶幸舊書西

去營州二千里之文新書未經刊削據此辨方定

位差有折衷新書地理志云營州柳城郡東有鎮

安軍本燕京守捉城貞元二年爲軍城西四百八十里有渝關守捉城又有汝羅懷遠巫閭襄平四

守捉城考唐營州爲今承德府朝陽縣地

卽三座塔距奉

天錦州西北百里許據承德府志及蒙古游牧記若李兆洛謂在今永平府治顯與史文違異其說非是

東至甯古塔西南至臨榆縣境核以今之里

至均屬相符則據舊書之文以正新書之失而遼史明志相承之誤胥有以定之矣蓋渤海雖五京並建而王都所在厥維上京其疆域所至史蓋卽其建都最後之地而終言之不得執爲大祚榮始居忽汗州之四至也

又按唐書地理志云貞元宰相賈耽考方域道里之數最詳從邊州入四夷通譯於鴻臚者莫不畢紀其入四夷之路與關戍走集最要者七一日營州入安東道二曰登州海行入高麗渤海道是滿洲源流考所本也

又按唐會要九十六靺鞨條云黑水界南與渤海國德里府接是相距不遠之徵今道里紀云北經德里鎮至南黑水靺鞨千里由今甯古塔北行千里則已在混同江外爲北黑水部地矣何處更容南部耶疑千里字有誤

上京龍泉府

今甯古塔西

新唐書北狄傳肅慎故地爲上京龍泉府領龍湖渤  
三州

遼史本紀二天顯元年正月庚申拔扶餘城丙寅圍  
忽汗城誼譔率僚屬三百餘人出降改渤海國爲東  
丹忽汗城爲天福冊皇太子貝爲人皇王以主之

謹按遼自破忽汗城獲誼譔遂改其地爲東丹而  
五代史宋史皆云取夫餘一城蓋因渤海復攻夫  
餘誤以爲未得上京耳考遼史圖欲傳云天顯元  
年從征渤海拔扶餘城上欲括戶口倍

即圖諫曰欲

今始得地而料民民必不安若乘破竹之勢徑造  
忽汗城克之必矣太祖從之是連取兩城之徵又  
考太祖本紀庚申拔扶餘城丙申已圍忽汗城七  
日之間馳驟千里當時軍行飄忽若此所謂乘破  
竹之勢也至忽汗城本渤海上京地特遼旋得旋  
失又以其名施於遼陽眩惑後人因而致誤考太  
宗本紀天顯二年太宗卽位未改元人皇王在皇都詔遣  
耶律羽之遷東丹民以實東平卽遼陽其民或亡入  
新羅女直又圖欲傳亦云太宗旣立見疑以東平  
爲南京徙倍居之盡遷其民則遼失忽汗應在此

時其忽汗之舊名施於遼陽之新邑亦應在此時  
後人不考以遼史所稱忽汗皆爲渤海中京又謂  
渤海中京顯德府爲卽遼之東京遼陽府一誤再  
誤其愼甚矣

龍州

遼史地理志「太祖破龍州盡徙富利縣人散居京  
南

又長霸縣本龍州長平縣民遷於此

源流考按龍州所屬縣名僅見

此二縣餘無考

謹按遼史地理志云龍州黃龍府本渤海扶餘府

黃龍縣本渤海長平縣併富利佐慕肅慎置考長平富利本屬渤海之龍州遼破龍州遷其民於通州之地而被以龍州之名與渤海龍州實非一地特此兩縣猶可藉遼史以考見其名其佐慕肅慎渤海舊屬某州史無明文則不可考矣

## 湖州

又湖州興利軍渤海置

謹按今甯古塔西九十里有鏡泊其南曰畢爾騰湖出鯽入貢唐書所稱湄沱湖之鯽卽此湖州當以湖得名



渤海

又渤海清化軍渤海置貢珍縣亦渤海置

謹按天下之形勢視乎都會上京之地固東方一大都會也渤海據而有之故能拒新羅服黑水宅中圖大者二百數十年蓋勢據上游爲西鄙之藩籬東海之門戶渤海不自弱遼固不能取遼若善守金亦何由興哉然而金城湯池不得其人以守之猶之撮土勺水苟得其人無在不可自立是知長駕遠馭其實在人體國經野其要在險

國初以甯古塔爲重鎮慮深遠矣

中京顯德府

今吉林府南及伊通州東南境

新唐書北狄傳上京之南為中京曰顯德府領盧顯

鐵湯榮興六州

盧州

通史地理志二 盧州本渤海杉盧郡縣五山陽杉盧

漢陽曰巖霜巖在京東一百三十里

謹按遼史載盧鐵湯榮興五州至京里到以遼時

言之其所謂京自係今之遼陽而盧為今熊岳在遼

陽東與史言京東不合鐵為今海城在遼陽南與

史言西南六十里不合湯為今蓋平在遼陽東南百八十里

與史言京西北不合輿爲今鐵嶺南六十里在遼陽東

北百八與史言西南不合考遼史僅開即渤海東京慶州

盧渤海南京四州所屬州縣載有至州

里到而自盧鐵湯榮興五州外未有載至京里到

者始悟此五州所載皆渤海時各州至四京里到

非遼時各州至東京里到也修遼史者誤合爲一

故多齟齬分別觀之斯瞭然矣

### 顯州

賈耽道里記自神州陸行四百里至顯州天寶中王

所都新唐書四十三引滿洲源流考案顯州爲王都當爲顯德府附郭之州今次於盧州之後疑

次有  
誤

謹按神州遼爲涿州在桓州東北二百里桓州高  
麗舊都在今奉天通溝口則神州當爲今奉天通  
化縣東境顯州距神州四百里當在今吉林府西  
南境三省圖說謂卽今那丹佛勒城然城基甚狹  
不足爲京唯蘇密城在吉林府西南二百八十餘  
里在那丹佛勒東一百餘里  
周七里餘內有子城方隅里到均屬相符此當是  
也且蘇密爲粟末之對音渤海本粟末之遺中京  
爲始興之地可無疑也

鐵州

遼史地理志二鐵州渤海置縣四位城河端蒼山龍  
珍在京西南六十里

五代史記十七自幽州行十餘日過平州出榆關又  
行七八日至錦州又行五六日過海北州至東丹王  
墓又行十餘日渡遼水至渤海國鐵州又行七八日  
過南海府

湯州

遼史地理志二湯州故縣五靈峯常豐白石均谷嘉  
利在京西北一百五十里

謹按今吉林城西南二百五十餘里有溫泉爲雙

陽河源東南距蘇密一百餘里以里到測之湯州  
應在其地

榮州

又崇州故縣三崇山瀉水緣城在京東北一百五十

里

按崇州與湯興相間  
當卽渤海之榮州

興州

又興州渤海置故縣三盛吉蒜山鐵山在京西南三  
百里

謹按遼史地理志曰東京魏時爲高麗平壤城遼  
東京本此唐於此置安東都護府又曰渤海忽汗

州卽故平壤城也號中京顯德府太祖攻渤海拔其城以爲東丹王國又曰葺遼陽故城以渤海漢戶建東平郡遷東丹國民居之考唐安東都護府本在平壤上元三年徙遼東郡故城儀鳳中徙新城卽今遼陽州治遼史據後徙之區猶指爲初置之所不知其相去已五百餘里其誤一忽汗州以河得名唐書所載甚確自當爲上京地乃指爲平壤城其誤二中京上京自是兩地乃以忽汗州爲顯德府合爲一區其誤三顯德府在上京之南自當在長白山北乃引而置之平壤之地何止謬以

千里其誤四據賈耽道里紀自鴨綠江口東北行  
千二百餘里乃至顯州正當在今吉林之南乃又  
推之遼水以西廣甯之東方隅不辨其誤五且州  
爲王都自當附府乃府在襄平而謂州在醫巫閭  
山蓋以遼之顯州爲渤海之顯州牽引附會不顧  
其安其誤六旣認遼陽城爲東丹國又曰葺遼陽  
故城遷東丹國民實之然則東京本平壤忽汗州  
卽平壤之云又作何解數行之中忽東忽西忽分  
忽合使人眩惑莫知適從其誤七遼志疏謬不可  
枚舉而於東京尤甚今據唐書傳志詳爲辨之特



是渤海縣名賴此猶存梗概故略加裁取分列各條讀遼史者無以耶律僑置之名遂指爲大氏始建之地則渤海疆域大半尙可推尋也

### 東京龍原府

新唐書北狄傳濊貊故地爲東京曰龍原府一曰柵城府領慶鹽穆賀四州

又欽茂貞元時東南徙東京

又龍原東南瀕海日本道也

遼史地理志二慶州渤海東京龍原府故縣六龍原永安烏山壁谷熊山白楊

又鹽州渤海龍河郡故縣四海陽接海格州龍河  
又穆州渤海會農郡故縣四會農水歧順化美縣  
又賀州渤海吉理郡故縣四洪賀送誠吉理石山

謹按渤海五京疆域惟新書可考而四京方位應  
以上京爲衡上京城臨忽汗海爲今甯古塔無疑  
則四京之地皆應自上京推之唐書云大欽茂東  
南徙東京又云東南瀕海日本道也考渤海南京  
南海府爲今琿春其地直上京之南其東爲率賓  
府實今綏芬河於上京爲東南又其東少北今爲  
烏蘇哩江發源之錫赫特山地在土京之東而稍

迤南東南兩面皆際海其南與日本南北相值按  
之新書之文無一不合竊疑渤海東京之地惟此  
足以當之遼史乃以爲高麗慶州之地則在吉林  
極西南鴨綠江外朝鮮咸興府境此大謬也夫曰  
瀕海則在海隅而非江外咸興府則鴨綠江外矣  
曰東南則不應置之西南鴨綠江則西南矣曰日  
本道則不能與朝鮮相值慶州則值朝鮮矣況鴨  
綠府本爲朝鮮道新書鴨綠府朝貢道也貢字不  
係鮮字之訛今從通典改正  
應咫尺之間頓置兩府而越國鄙遠取道亦何其  
迂且南海府爲新羅道新羅在朝鮮之東日本又

在新羅之東以三國次序按之三京方位一一符

合則遼史之誤決然可知大抵渤海五京與遼之

五京形勢約略相似

遼上京臨潢府在北其南爲中京大定府又南爲南京析

津府中京居南上兩京之中

中京之東爲東京遼

陽府中京之西爲西京大同府

中京又居東西兩

京之中大略如此

南京與上京南北相值東京在上京東

南自南京視之則爲東北中京在上京西南

唐書言上

京之南其實西南顧祖禹曰凡地理言南可與東

通言北可與西通非若東與西南與北迥相反者

今取其意

自南京視之則爲西北中京之西爲西京中

京蓋居四京之中則東京之在中京之東於上京

爲東南以地望準之爲烏蘇哩江地無可疑者若

遼史以顯州今廣甯縣爲顯德府則於四京皆無所著

而中字之義尤不可通宜其薈於東京之方位也

慶鹽穆賀四州大抵皆海濱地而今不可考矣

南京南海府今琿春境

新唐書北狄傳沃沮故地爲南京曰南海府領沃晴

椒三州

又南海新羅道也

謹按唐時新羅在今朝鮮咸鏡江源兩道之間以南海新羅道之文考之則南京當爲今咸鏡道北界及琿春沿海之地遼史以海州南海軍爲卽渤

海之南京不知東西相去不止千里之謬也遼得  
上京旋卽棄去當時兵力並未能更及南京觀天  
顯以後渤海南京尙朝於唐則遼史之誤決可知  
矣

### 沃州

遼史地理志二渤海南京南海府疊石爲城幅員九  
里都督沃晴椒三州統六沃沮鶯巖龍山濱海昇平  
靈泉

謹按遼史以沃沮六縣爲南海府屬蓋沃州爲附  
郭之州六縣爲沃州所屬之縣屬州卽屬府耳

晴州

又渤海晴州縣五天晴神陽蓮池狼山仙巖

椒州

又渤海椒州縣五椒山貂嶺漸泉尖山巖淵

巖淵縣東界新羅故平壤城在縣西南

謹按唐時新羅境當北抵今朝鮮境城左近古平壤在今朝鮮平安道以地望測之椒州當在長白

山南麓

扶餘府

今長春府農安縣境

新唐書北狄傳扶餘故地爲扶餘府常屯勁兵捍契

丹領扶仙二州

又扶餘契丹道也

扶州

仙州

滿洲源流考十按夫餘府扶仙二州遼時皆廢扶州

卽因扶餘得名當爲附郭所屬縣名見於遼史屬龍

州者八

長平富利佐慕肅慎永甯豐水扶羅永平

屬通州者七

扶餘布多顯義鵲川

強師新安漁谷共七原作六誤

當卽扶仙二州所隸第遼史旣言改

夫餘府爲龍州又言改龍州爲通州而所置諸縣或

沿或併尙有其舊疑遼之龍州其地本廣因燕頗之



役遼史黃龍府保寧七年軍將燕頗叛府廢舊治已廢開泰中移黃龍府

於東北又分置通州也黃龍府所屬長平等縣爲扶州屬邑通州所屬扶餘等縣卽爲仙州屬縣也

東平府

今寧古塔三姓境

新唐書北狄傳拂涅故地爲東平府領伊蒙洺黑比五州

遼史地理志二拂涅國城渤海爲東平府太祖伐渤海先破東平府遷民質之故東平府都督伊蒙洺黑比五州共領縣十八

伊州

蒙州

又拂涅國置東平府領蒙州紫蒙縣後徙遼城並入黃嶺縣渤海復爲紫蒙縣

淀州

黑州

比州

謹按拂涅故地爲渤海上京東平府拂涅所置亦當距上京不遠以隋唐兩書所載地望準之甯古塔三姓以西五常廳賓州廳以東皆當爲拂涅國境則東平一府當不出甯姓之間遼史以爲遼州

始平軍地則遠在奉天省城以西與隋唐書所云  
伯咄安車骨以東之文相去懸絕此必不然之事  
也遼志云遼以征伐俘戶建州襟要之地多因舊  
居名之故渤海州縣遷移其民於他所者十之五  
六今考志中稍爲分別者如曰某州本渤海民戶  
則爲遼所移曰某州渤海置則是仍渤海之舊然  
其考之未審者實不一而足如渤海五京在吉林  
者四其十五府在吉林者九遼史概以爲在今奉  
天地按之唐書所云無一而合故知其不足據也

率賓府

今甯古塔東南琿  
春及敦化縣境

新唐書北狄傳率賓故地爲率賓府領華益建三州  
遼史地理志二東京率賓府刺史故率賓國地

華州

益州

謹按率賓府境當在今甯古塔東南滿洲源流考  
以爲鴨綠江一名益州江益州當與鴨綠相近不  
知益州江在今奉天鳳凰城東南在渤海爲西京  
鴨綠府與率賓固大相懸遠也遼史東京益州觀  
察屬黃龍府當係創立非渤海之舊

建州

卽鄂多  
理城也

五代史記十七自遼陽東南行千二百里至建州

滿

源流考按建州之名置於渤海本在今吉林境至遼時一移於凌河之南再移於凌河之北金元相承而建州遂在今錦州邊矣

元一統志金上京之南曰建州海蘭河經故建州東

南一千里入於海混同江北流經故建州五十里匯

諸水東北流下達五國頭城

滿洲源流考七引

明一統志八十九率賓河流經建州衛東南一千五百里入於海

曹廷杰曰唐書稱渤海大氏東渡遼水保太白山之東北阻鄂倫河樹壁自固查今鄂多哩城在牡

丹江源西岸牡丹江又名瑚爾哈卽忽汗河也以  
地望準之與鄂倫河實爲一地然則鄂倫河者乃  
忽汗河之本名因先天中賜名忽汗州始有忽汗  
河之稱又以忽汗海爲眾水所歸故稱海以別之  
武義徙上京本拂涅國故地亦稱佛訥和城自鄂  
多哩城至東京城實三百里故曰直舊國三百里  
忽汗海之東也遍考此外距東京城三百里者別  
無城基可以當此故知爲鄂多哩城無疑也

謹按歐史晉家人傳明云自遼陽東南行千二百  
里至建州遼陽卽今州治東南至今鄂多里城地

方隅里至均屬相符而胡三省通鑑注乃云在遼陽之西北蓋以遼時所置靈河以南之建州當之顯與史文違異今不取

涑州

今打牲烏拉城

新唐書北狄傳涑州爲獨奏州以其近涑沫江蓋所謂粟末水也

滿洲源流考接通考文與此同獨奏之義當猶今直隸州不轄於府而事得專

達也

遼史地理志二涑州刺史渤海置

謹按高麗傳云大遼水出靺鞨西南山

大遼今黑兒蘇河

又賈

道里記至泊汊口得渤海之境

今奉天鳳凰廳界

可見渤海西境僅抵奉天其國土當全在吉林也  
鐵利府

新唐書北狄傳鐵利故地爲鐵利府領廣汾蒲海義  
歸六州

謹按鐵利一府據唐書稱爲鐵利故地似更在拂  
涅東北契丹國志謂其國西南與靺鞨接界是爲  
明徵第靺鞨全疆當唐時久爲粟末黑水兩部分  
據自德里以北已爲黑水部地渤海不應以郡縣  
治之意者渤海強盛黑水皆役屬之當時建置遂  
能遠越混同江以北厥後渤海寢衰黑水復擅其



地府境又入黑水故其沿革無得而稽歟遼史鐵利州刺史謂是故鐵利國地然其所列廣州諸地皆在今奉天鐵嶺新民廳之間蓋亦取渤海之名而非實有其地考本紀自太宗天顯二年迄於天祚之世鐵驪頻年入貢則東京所屬其非故國益明遼史之不足據也信矣

又按渤海定理府爲今承德縣鄭頡府爲今昌圖府南境懷遠府爲今昌圖西北境安邊府爲今開原北境長嶺府爲今海龍廳境安遠府暨西京鴨綠府爲今寬甸懷仁通化境其地均在奉天故從

省

黑水靺鞨

今三姓以東皆其境

舊唐書北狄傳白山部素附於高麗因收平壤之後部眾多入中國汨咄安居骨室等部亦因高麗破後奔散微弱後無聞焉縱有遺人並爲渤海編戶唯黑水部全盛分爲十六部部又以南北爲柵

新唐書北狄傳室建河東合那河忽汗河又東貫黑水靺鞨故靺鞨跨水有南北部

又黑水靺鞨居肅慎地亦曰挹婁元魏時曰勿吉直京師東北六千里離爲數十部酋各自治部間遠者

三四百里近二百里

新唐書地理志渤海王城北經德里鎮至南黑水靺

鞞千里

唐會要黑水界南與渤海國德里府接

源流考按渤海十五府具

載唐書及通考無德里府之名據新唐書蓋鎮名也  
以地與音考之今甯古塔城西九十里自鄂摩和湖  
東繞沙蘭站之南至呼爾哈河有大石廣二十餘里  
袤百餘里名德林沃赫俗呼黑石甸子里與林音實  
相近呼爾哈河卽渤海舊都所在鎮名當取諸此北至小海東至大海西至

室韋南北約二千里東西約一千里渤海寢強黑水

亦爲所屬

舊唐書北狄傳其地南距渤海北東際於海西接室

韋南北袤二千里東西千里

源流考按上文云西屬突厥北室韋而後又云

西抵室韋考新唐書室韋傳室韋地據黃龍北東黑水靺鞨西突厥南契丹北瀕海則黑水部實西北皆隣室韋也

黑水靺鞨最處北方尤稱勁健父子相承世爲

君長

〔文獻通考四夷考〕武德五年渠長阿固郎始來太宗貞觀二年乃臣服所獻有常以其地爲燕州

〔唐會要〕貞觀十四年以黑水地爲黑水州

〔新唐書北狄傳〕開元十年其酋倪屬利稽來朝元宗

卽拜勃利州刺史

〔舊唐書北狄傳〕開元十三年安東都護薛泰請於黑

水靺鞨內置黑水軍續更以最大部落爲黑水府以  
其首領爲都督諸部刺史隸屬焉中國置長史就其  
部落監領之十六年其都督賜姓李氏名獻誠授雲  
麾將軍兼黑水經略使仍以幽州都督爲其押使

〔新唐書北狄傳〕黑水東北又有思慕部益北行十日  
得郡利部東北行十日得窟說部亦號屈說稍東南  
行十日得莫曳皆部又有拂涅虞婁越喜鐵利等部  
其地南距渤海北東際於海西接室韋南北袤二千  
里東西千里拂涅鐵利虞婁越 時時通中國而郡  
利屈說莫曳皆不能自通

謹按靺鞨七部魏隋兩代疆域無殊其奔散微弱  
咸在初唐之世於時黑水勁強恒爲鄰境之患意  
其斥大土宇非復前規觀其初境僅在安車骨部  
西北一隅後乃南與渤海德里府接是其自西而  
東之明驗也唐書室韋傳云室建河東合那河忽  
汗河又東貫黑水靺鞨故靺鞨有南北部寰宇記  
云黑水部全盛分爲十六部落以南北爲綱地考  
室建河卽黑龍江其與松花江合流之處在今富  
克錦東北之黑河口那河卽嫩江忽汗河卽牡丹  
江唐書所云係指兩河下流之水而言第兩河旣

入松江卽不得復施故號是唐史之疏也然唐以前所謂粟末水者僅自長白山至今伯都訥而止以下則隨其所受而名之故其言如此謂前史誤以松花江爲黑龍江者非也要之名稱雖異疆里可稽據古驗今不難辨方定位耳史又稱室建水東貫黑水靺鞨故靺鞨跨水有南北部以地望診之南部在混同江南烏蘇里江左右之地爲甯古塔東境北部在江北費雅喀奇勒爾之地爲三姓東北境新書謂北東際海則東至東海濱北至索倫河皆黑水部落矣勃利州未詳所在通典云貞

觀二十年李靖破高麗於南蘇班師至頗利城渡  
白狼蒼崑二水在奉天新民廳境去黑水絕遠疑  
非今富克錦東北境外有伯利地方音譯方隅皆  
合或當是也黑水州黑水府名惟遙設義等驛廩  
自統全疆初無專治若黑水西北有恩慕部益北  
行得郡利部皆應在黑龍江外不屬吉林東北窟  
說部字與庫葉同音爲今庫頁島地毫無疑義稍  
東南行十日得莫曳皆部應爲今奇雅喀喇人等  
所居之地其拂涅虞婁越喜鐵利等部以黑水四  
至徵之皆應在吉林東北拂涅已見前虞婁越喜



無所考鐵利據契丹國志在臨潢正東北五千餘

里西南與靺鞨國接亦應距庫葉不遠遼史以契

丹僑置之名認爲初唐荒遠之國誤矣

別詳遼史條下

抵魏之勿吉隋之靺鞨名稱雖易七部並同至唐

初而五部無聞唯粟末黑水獨盛

粟末別見渤海條

以唐

書考之靺鞨七部全境之地粟末并其西南黑水

據其東北而黑水南北部之中又自分十六部其

名之可知者八皆北部地也是靺鞨與黑水本自

兩事唐書所云東至於海西接突厥南接高麗北

鄰室韋是靺鞨之四至元魏隋唐之所同也新書

所云南距渤海北東際於海西抵室韋是黑水靺鞨之四至七部散微之後黑水之所獨也

又按渤海爲海東盛國自唐則天時迄於後唐歷

二百餘年其地界南越長白得新羅今朝鮮咸鏡道高麗

今朝鮮平安道及奉天懷仁通化海龍之境北至黑龍江東至烏蘇

哩江因東平率寶以東未設府州知之幅員五千里建五京十五

府官府制度燦然大備實開肅慎以來未有之業

至遼太祖雖破忽汗改爲東丹不久而復失之按遼

史自人皇王以後無復稱東丹者其得而復失雖無明文以遼史邊界考之僅至今松花江以西蓋自人皇王入唐所得而守者扶餘暨富江州地耳地已非遼有矣

遼既未能全併渤海

益齋集渤海爲丹兵所破其世子大光顯等領其餘眾數

萬戶日夜倍道來奔太祖使奉其本國祖先之祀其所云蓋在初破忽汗時觀遼史聖宗二十一年渤海來貢可見渤海立國尙仍其舊也

以所俘獲散置他處取渤海

之名以名其地故以今奉天廣甯地爲顯德府以海城蓋平地爲南京後人不察多沿其誤非以唐書韋軻傳地理志細覈其方隅里到其不爲遼史所誤者幾何哉